

Heilbrigðisráðuneytið

M i n n i s b l a ð

Viðtakandi: **Velferðarnefnd Alþingis**
Sendandi: **Heilbrigðisráðuneyti**
Dagsetning: **15.04.2020**
Málsnúmer: **HRN19011341**
Bréfalykill: **02.12.02**

Efni: Breyting á frumvarpi til nýrra lyfjalaga vegna reglugerðar um ávísunarheimild hjúkrunarfræðinga og ljósmæðra á getnaðarvörnum

Haustið 2018 voru gerðar breytingar á lögum um landlækni og lýðheilsu og lyfjalögum með þingskjali 288 — 266. mál. Voru þá hjúkrunarfræðingum og ljósmæðrum veitt heimild til að ávísa hormónatengdum getnaðarvarnalyfjum að uppfylltum tilteknum skilyrðum.

Við frekari skoðun kom í ljóst að gera þurfti frekari lagabreytingar í því skyni að heimila hjúkrunarfræðingum og ljósmæðrum aðgang að lyfjagagnagrunni og veita Embætti landlæknis gjaldtökuheimild vegna leyfisveitinga. Í frumvarpi því sem nú liggur fyrir Alþingi til nýrra lyfjalaga, þskj. 523 — 390. mál er lagastoðin veitt. Verði frumvarpið samþykkt á vordögum er gert ráð fyrir gildistöku 1. janúar 2021.

Við ljósmæðradeild Háskóla Íslands er nú verið að kenna í fyrsta sinn námskeið um ávísanaheimild til handa ljósmæðrum og munu þær ljúka námi vorið 2020. Að uppfylltum öðrum skilyrðum gætu þær hafist handa við að ávísa hormónatengdum getnaðarvarnalyfjum sumarið 2020 ef framangreint frumvarp verður að lögum og ef gildistöku eftirtalinna ákvæða verður flýtt til þess dags er frumvarpið verður samþykkt með ákvæði til bráðabirgða, nái frumvarpið fram að ganga:

Ákvæði til bráðabirgða III.

Þrátt fyrir 1. mgr. 107. gr. öðlast 5. mgr. 53. gr. og 79. gr., að því er varðar hjúkrunarfræðinga og ljósmæður, þegar gildi.

Heilbrigðisráðuneytið óskar þess hér með að velferðarnefnd taki framangreint til greina og er tilbúið að veita allar frekari upplýsingar, ef þörf er á.